



Synfocity = 1048

mail us at : mzsynfo@gmail.com; mizoramsynod@gmail.com - Phone - 2314648

August 27, 2026

❑ Praise On 2026 Pathian hnenah hlan a ni

Synod Information (Synfo) leh Central KTP tangkawpin an buatsaih tur Praise On 2026 Mal zai Intihsiak chu August 21, 2026 (Zirtawpni) zan dar 8 khan Pathian hnena hlanna Synfo Studio, Synod Office-ah neih a ni.

Praise On hlannaah hian Central KTP Leader, Rev. Dr. K.M. Vanlalpeka'n hunserh a hmang a, Organizing Secretary Pu C. Zohmingliana'n inhmelhriattirna neiin report a pe a. Synod Moderator, Rev. John Raldosanga'n, 'Pathianin a ropui nan mal min sawm sak rawh se,' tiin Praise On 2026 Mal zai intihsiak chu Pathian hnenah a hlan a ni. He hunah hian Tv. Lalthlanawma, Praise On 2024 pakhatna a zai baw. Hlanna programme hi NI. Eunik Lalnunfeli'n a host a ni.

August 24-27, 2026 chhung khan zai lai Video clip thehluh a ni a, September 4, 2026-ah result puan a ni ang. Second round chu September 21-25, 2026 chhungin Synfo Studio-ah chhun lamah neih a ni ang a, Acoustic Guitar leh Keyboard hmangin intihsiakna neih a ni ang. Second round atangin top 50 thlan chhuah a ni ang a, Top 50 intihsiak chu October 21-23, 2026 chhungin Synfo Studio-ah zan lamah neih a ni ang a, Music track hmangin intihsiak a ni ang. Top 50 atangin Top 10 thlan a ni ang a, Top 10 te hian November 19&20, 2026 zanah Live Instrument hmangin YRC, Falkland-ah intihsiakna an nei leh ang a, intihsiak zawhah Result puanna leh kharna neih zui nghal a ni ang.

Praise On Mal zai intihsiak hi hlawhtling takin tum 3 buatsaih a lo ni tawh a, tun tumah hian intihsiaka tel tur hming pe 269 an awm a. Intihsiakna lawmmanah hian Pakhatnain Rs. 1,20,000/-, pahnihnain Rs. 70,000/- leh pathumnain Rs. 50,000/- an dawng dawn a, hemi bakah hian Top 10-a tling mi 7 hnenah Consolation prize Rs. 10,000/- theuh hlan an ni baw ang.

❑ Church Leaders' Pastoral Counselling Training wawi 43-na

August 17-24, 2026 chhung khan Family Guidance & Counselling Centre (FG&CC) buatsaih Church Leaders' Pastoral Counselling Training wawi 43-na neih a ni a. Training-ah hian Bial Pariat - Mission Veng, Maubaw, Bawngkawn, Himali, Falkland, Zemabaw North, Salem Bial Aizawl leh Kolasib Diakkawn atangin kohhran aiawh mi 27 an tel.

August 17, 2026 (Thawhtanni) zan khan SMTC Hall, Mission Vengthlangah training hawnna neih a ni a. Inkhawm hi Rev. Zothansanga, Resource Person-in a kaihrui a, Rev. Lalthangpuia Fanai, Director-in inlawmna neiin report a pe a, Rev. B. Zohmangaiha, Synod Secretary-in training programme hi hawngin thuchah a sawi a ni.

Training kharna hi August 24, 2026 (Thawhtanni) zan khan SMTC Hall, Mission Vengthlangah neih a ni a, Rev. R. Vanlalnghaka, Resource Person-in a kaihrui a, inlawmna leh lawmthu sawina Rev. Lalthangpuia Fanai, Director-in a nei a, Rev. Dr. K. Lallawmzuala, Executive Secretary-in training chhuakte hnenah Certificate semin thuchah a sawi. Rev. Dr. K. Lallawmzuala chuan Upa te chu an thil zir te hre reng a, mi dang tanpui tura ngaihtuahna seng tam tur te, in chhiar belh zel a, mi dang tlansan zawng ni lova, tanpuitu ni zawk zel turin a chah a ni. Trainee-te hian an hlawkpui dan a lema an ziak chu entirin an hrilhfiha a, trainee-te aiawhin Upa J. Lalzamliaana'n thu tawi a sawi baw. Rev. R. Lalremruata, committee member-in tanngtaisakna hun a hmang a, he hunah hian Luangmual Bial Zaipawl te an zai baw.

Synod hian Counselling Centre 10 - Mission Veng, Bawngkawn, Vaivakawn, Champhai, Serchhip, Kolasib, Lunglei, Mamit, Khawzawl leh Saitualah te a nei a, heng Counselling Centre sawmah hian May 28, 2026 thlenga pantu (client) an neih tawh zat chu 75,454 a ni a, kumin 2026 bikah mi 1,767 an nei tawh a ni.

FG&CC hian Pastor leh Kohhran hruiatute puala Counselling Training a buatsaih thin bakah Kohhran mal, Bial huap, Presbytery huap leh District khawpuiaha te Kristian Chhungkaw Seminar, Campaign leh Awareness Campaign te a buatsaih thin a ni.

❑ Social Front

August 30, 2026 (Pathianni) hian Teenage For Christ, Bungkawn High School Veng Kohhranah Moral Reform inzirtirna nei turin Rev. H. Vanlalhriata, campaigner a kal ang.

Contd...

- ❑ **Synod Resource Centre-in member tharte pualin kawng inkawhhmuhna hun an hmang**
 August 22, 2026 (Inrinni) chhun dar 11 khan J.M. Llyod Hall, Synod Office-ah Synod Resource Centre-a member tharte pualin kawng inkawhhmuhna hman a ni.
 He hun hi Rev. Dr. K. Lallawmzuala, Executive Secretary-in a kaihruai a. Pu K. Lallianzuala, Secretary, Zirlai Viltu Committee chuan memberte leh kalkhawmte inhmehhriattirna neini, ZVC leh Synod Resource Centre lo indin dan leh kalphung a sawi a. Rev. Dr. K. Lalrinkima, Principal, ATC, ZVC Member te, Pu R.L. Rinawma, IRS (Rtd.), ZVC Member te leh Pu Lallungmuana, SRC Director ten member te fuihin thu an sawi a ni.
 Member thar mi 26 leh an nu leh pate an kal a. Rev. Dr. F.H. Liansangzuala, ZVC Member, Associate Professor, ATC-in kalkhawmte hnenah lawmthu sawiin hun a khar a ni.
 ZVC hi SEC Sub-committee niin, kum 2019-a din a ni a. All India Services leh Central Services (Group A & B)-ah Mizo te an tlin tam theihna tura Mizoram Synod aiawh hmalakna a ni.
- ❑ **Presbyterian English School (PES)**
 August 21-24, 2026 chhung khan Rev. Dr. Rosiamliana Tochohawn, Executive Secretary i/c Education leh Upa P.C. Vanlalhrui, Supervisor of Schools (PES) te chuan Zamuang Biala Kolalian Kohhranin Presbyterian English School (PES) an hawn chu a hmunah kalin an enfiah a, hemi rual hian Zamuang PES, Darlak PES leh Rengdil PES an tlawh nghal a, thawktute nen inkawm hona hun tha tak an hmang a ni.
 Hemi pah hian Tripura Synod huamchhunga Mission hmalakna an tlawh kual nghal baw a, Damcherra-ah Pastor Quarters hmun lei turte an enkual a, Noagang Kohhranah tihtur pawimawhte tihfel a ni a. Pathianni zingah Tuingoi Kohhranah Rev. Dr. Rosiamliana Tochohawn-in Pathian thuchah a sawi a, Pathianni zanah Noagang Kohhranah thu a sawi leh baw. Inkawm banah Noagang Mission Compound-a thawktute nen inkawm hona hun tha tak an nei.
 Tripura Synod Executive Secretary, Rev. Kalu Koloi leh Tripura Mission Field Secretary, Rev. H. Lalrinsanga ten a tir atanga a tawp thlengin Rev. Dr. Rosiamliana Tochohawn, Executive Secretary hi an lo tawiawm a ni.
- ❑ **Mission Board**

 - ♦ August 22-31, 2026 chhung khan India Missions Association (IMA) buatsaihin National Leaders Conference (NLC) programme, Jesus Redeems Centre, Nalumavadi, Nazareth, Tamil Nadu-ah neih a ni a, hemi hunah hian Pu Albert Lalhmangaiha, Coordinator a kal.
 - ♦ August 23, 2026 (Pathianni) Chawhnu leh Zan khan Masihi Sangati Convention Vawi 34-na thlengtu tur Thingsulthliah Bial chhung Kohhran pali (4)-ah Pre-Convention Campaign neih a ni a. Aizawl atangin Masihi Sangati Working Committee leh Campaigner mi 12 leh zaipawl hrang hrang - Synod Mission Choir, Venghlui Bial Masihi Sangati Zaipawl, Zemabawk East Kohhran Masihi Sangati Zaipawl leh Tlungvel Vengthar Bial Masihi Sangati Zaipawl ten rawngbawlna an nei a. Pathianni tlai dar 3:30-ah Convention Organizing Committee leh Campaigners-te hian Convention inbuatsaihna chungchangah inkawm hona an nei baw.

Masihi Sangati Convention hi October 2 - 4, 2026 chhung hian Thingsulthliah-ah neih tur a ni a. Kumin atang hian Pandal-ah Convention hi hman turin ruahman a ni.
- ❑ **Worship**
 August 26-28, 2026 chhung hian Buhchangphai Bial leh Rengtekawn Kohhranah te Music Training neihpui turin T.Upa H. Lalrinmawia, Senior Instructor leh Pu T. Laldintluanga, Trainer-te an kal.
- ❑ **Finance**
 August 29-30, 2026 chhung hian Sakawrdai Bialah Finance Campaign nei turin campaigner-te, Upa David Lalnunfela, Synod Office, Upa R. Lalbiakdika, Synod Office, Upa P.C. Vanlalrova leh Upa C. Ramtharnghaka te an kal ang.
- ❑ **Pisa kai hun (Office hour) tidanglam**
 September 2026 - February 2027 chhung atan Synod Office leh Synod department hrang hrangte Office hour hetiang hian tihdanglam a ni.
 Office tan hun : Zing dar 9:30 am
 Office ban hun : Tlai dar 4:00 pm

☐ **Sunna - Rev. Ranjung Jugli, Kum 67**

Rev. Ranjung Jugli hi Lt. Sukam Taikam leh Lt. Chakchak Taikam te fa niin March 15, 1959-ah a lo piang a, unau 6 an ni. January 22, 1993-ah Helen Hacheng nen innein fapa pahnih an nei.

Govt. Primary School, Lungwaih-ah Pawl I - Pawl V thlang a zir a, Nampong-ah Higher Secondary School a kal a, kum 1982-ah Pawl 10 a pass a ni. Kum 1984-ah Aizawl Theological College-ah B. Th a zir a, 2001-2003 chhungin Aizawl Theological College-ah B.D a zir leh a ni.

Kum 1991-1993 chhung khan Pro. Pastor hna a thawk a, Rev. Ranjung Jugli hi Arunachal Pradesh-a Presbyterian Pastor hmasa ber a ni a. Kohhran tana mi tangkai leh sulsutu pawimawh tak a ni.

Kum 2021-ah Stroke a nei a, 2024 atangin Thawhah a nei leh a, a taksa chaklo zelin August 23, 2026 zing dar 8 vel khan Lalpa hnenah a chawl ta a ni.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Ratu Melkawn Biak In tual zawl chim dawlina nan			₹ 7,00,000/-
2.	Phullen Bial	Damlo	6	₹ 60,000/-
3.	Champhai Bethel Bial	Damlo	2	₹ 20,000/-
4.	Khawruhlian	Damlo	2	₹ 20,000/-
5.	Durtlang Dawrkawn	Leimin tuar	1	₹ 20,000/-
6.	Ramhlun Venglai	Khawsak harsa	2	₹ 20,000/-
7.	Rangvamual	In chhia	1	₹ 15,000/-
8.	Buarpui	Khawsak harsa	1	₹ 10,000/-
9.	Tuikual North	Damlo	1	₹ 10,000/-
10.	Biate	Damlo	1	₹ 10,000/-
11.	Kawnpui Venglai	Damlo	1	₹ 10,000/-
12.	Zemabawk North	Damlo	1	₹ 10,000/-
13.	New Chalrang	Damlo	1	₹ 10,000/-
14.	Tualcheng	Damlo	1	₹ 10,000/-
15.	Kulikawn West	Leimin tuar	1	₹ 10,000/-
16.	Saitual Nazareth	Damlo	1	₹ 10,000/-

Belh khawm ₹ 9,45,000/-

July 2026 thla chhunga harsatna hrang hrang tawkte hnena Synod Relief Fund atanga chhawmdawlina sem zat chu ₹ 8,47,000/- a ni.

☐ **FM Zoawi - Aizawl & Lunglei : Hruaina Eng Radio Programme**

August 28, 2026 (Zirtawpni) @ 7:30 p.m. :

Solo : Esther Lalthianghlimi - Hrehawmna piaha malsawmna, **Zaipawl :** Electric Veng Bial Zaipawl - Ram thianghlum, **Thusawi :** Upa LP Lalngheta - Isua - Pa hnen thlenna kawng, **Solo :** Hmangaihrammawia - Lo hnai ta che, **Zaipawl :** Kahrawt Bial Zaipawl- Chanchin Tha

☐ **Hruaina Eng TV Programme**

27.8.2026 (Ningani)	08:30 pm	: Thupui zir bing
28.8.2026 (Zirtawpni)	05:00 pm	: Kristian Naupang Pual
29.8.2026 (Inrinni)	05:30 pm	: Puitling Sunday School Zirlai
30.8.2026 (Pathianni)	07:00 am	: Sermon - R. Vanlalsawma
31.8.2026 (Thawhtanni)	08:00 am	: Ramthar Ni Sermon - Rev. Dr. Rosiamliana Tochwawng, E/S
01.9.2026 (Thawhlelni)	06:00 pm	: Nilai zan thupui
	08:30 pm	: Kohhran Chanchin - Khatla North Kohhran

☐ **Moderator leh Executive Secretary-te Programme :**

Rev. John Raldosanga, Moderator Programme:

Aug. 28-31, 2026 Kolkatta Field tlawh

Sept. 4-6, 2026 Saitual Chhimveng Bial leh Saitual Bial

Rev. Dr. V.L. Luaia Hranleh, Senior Executive Secretary Programme:

Sept. 4-7, 2026 SEC thurel bawhzui - Delhi

Rev. Dr. K. Lallawmzuala, Executive Secretary Programme:

Aug. 28, 2026 Central Kohhran Hmeichhe Committee

Rev. Dr. Rosiamliana Tohhawng, Executive Secretary Programme:

Aug. 28-31, 2026 Interserve Meeting - Delhi

Sept. 3-5, 2026 Evangelical Fellowship of India meeting - Jaipur

Sept. 6, 2026 Sihphir Venglai Kohhran

September 1, 2026-a Synod Service Board leh ni 2-a Finance Committee-ah Moderator leh Executive Secretary te an thu ang.

**ADVERTISEMENT
(B.C.S. LEH Dip.C.S. ZIR DUH TAN)**

Aizawl Theological College-ah Academic Year 2027-2028 atanga tan turin heng a hnuaia Pathian thu zirnate hi Mizo Tawngin emaw, Sap Tawngin emaw a zir theih a, a duh tan dil theih a ni. Dilna form hran a awm loh avangin, heng a hnuaia thil pawimawhte keng hian Aizawl Theological College Academic Office-ah chawhma dar 10 atanga chawhnu dar 3 chhuingin October 16, 2026 thleng Registration tih theih a ni. Hriat tui pawimawhte chu a hnuaia mi ang hi a ni e.

1. Bachelor of Christian Studies (B.C.S) :

(a) Zir hun chhuing : Kum 4 (Four Year Course)

(b) Thiamna ngai

(Required Qualifications) ngai te : B.A. emaw, a chung lam emaw, a tlukpui emaw

(c) Lehkha (Documents) ngai te : (i) Highest Degree Certificate

(ii) Marksheet

(iii) Age Proof Documents

(iv) Mahni lawina Kohhran Lehkha

(v) Passport size thlalak thar lam pakhat

(vi) Aadhar Card

(d) Registration Fee : Rs. 2,400/-

(e) Dil theih hun chhuing : August 17 - October 16, 2026

2. Diploma in Christian Studies (Dip.C.S) :

(a) Zir hun chhuing : Kum 2 (Two Year Course)

(b) Thiamna ngai

(Required Qualifications) ngai te : H.S.S.L.C. emaw, a chung lam emaw, a tlukpui emaw

(c) Lehkha (Documents) ngai te : (i) Highest Degree Certificate

(ii) Marksheet

(iii) Age Proof Documents

(iv) Mahni lawina Kohhran Lehkha

(v) Passport size thlalak thar lam pakhat

(vi) Aadhar Card

(d) Registration Fee : Rs. 1,650/-

(e) Dil theih hun chhuing : August 17 - October 16, 2026

Notes: Hriatchian emaw zawhfiah duh nei tan a hnuaia contact tarlan ah hian zawhfiah theih a ni ang.

ATC Registrar Ph.no - 8837466367

Academic Office Assistant Ph. no - 9383314660

Sd/-

(Rev. Dr. K. Lalrinkima)

Principal

Aizawl Theological College

